



# JKP "VODOVOD" d.o.o. CAZIN

Broj: 5-1-1-2 -03-Pon/21  
Cazin, 12.11.2021. godine

Na osnovu člana 69. stav 3. i člana 70. Zakona o javnim nabavkama Bosne i Hercegovine (Službeni glasnik BiH, br. 39/14), člana 21. Pravilnika o javnim nabavkama Preduzeća, direktor Preduzeća donosi

## **ODLUKU** **o poništenju postupka javne nabavke usluga**

### **Član 1.**

Poništava se otvoreni postupak nabavke robe: **kamion-kiper, korišten**, objavljen na Portalu javne nabavke dana 27.08.2021. godine, iz razloga koji su izvan kontrole Ugovornog organa i nisu se mogli predvidjeti u vrijeme pokretanja postupka javne nabavke.

### **Član 2.**

Stavlja se van snage Odluka o izboru najpovoljnije ponuđača br. 5-1-1-2-03/21 od 20.09.2021. godine.

### **Član 3.**

Ova Odluka objavit će se na web-stranici ugovornog organa [www.vodovodcazin.com](http://www.vodovodcazin.com), u skladu sa članom 70. stav 6. Zakona o javnim nabavkama.

Ova Odluka stupa na snagu danom donošenja.

## **O b r a z l o ž e n j e**

Preduzeće je dana 27.08.2021. godine na Portalu javne nabavke objavilo obavještenje o nabavci robe: kamion-kiper, broj obavještenja: 1169-1-1-216-3-33/21.

Ugovorni organ je Tendersku dokumentaciju objavio na portalu, te u Izvještaju o preuzimanju tenderske dokumentacije stoji da je TD preuzelo 13 (trinaest) ponuđača.

Otvaranje ponuda je predviđeno za dan 14.09.2021. godine u 11:15, te su se za dodjelu ugovora u ovom postupku prijavila dva ponuđača.

Ovaj postupak nabavke previđao je provođenje e-aukcije, te imajući u vidu da su pristigle dvije prihvatljive ponude, Komisija je e-aukciju zakazala dana 17.09.2021. godine, sa početkom u 11:00 i sa trajanjem od 10 minuta.

Komisija je, na osnovu Izvještaja o toku i završetku e-aukcije, utvrdila Rang listu najuspješnih ponuđača, počevši od najpovoljnije kako slijedi:

1. Bosman doo Sarajevo, cijena ponude bez PDVa: 59.940,00 KM
2. Steel doo Zenica, cijena ponude bez PDVa: 60.000,00 KM.

Ugovorni organ je donio Odluku o izboru najpovoljnijeg ponuđača, br. 5-1-1-2-03/2 dana 20.09.2021. godine, te nakon protoka zakonskih rokova ugovor o kupovini prosljedio izabranom ponuđaču na potpis.

Izabrani ponuđač je odbio potpisati ugovor, uz obrazloženje da se ne slaže sa članovima 3. i 4. Ugovora (način plaćanja i garancija), iako su navedeni uslovi bili sastavni dio tenderske dokumentacije kojoj izabrani ponuđač nije prigovarao i koji se, u skladu sa članom 72. stav. 5 Zakona o javnim nabavkama, prilikom dodjele ugovora ne mogu mijenjati.



# JKP "VODOVOD" d.o.o. CAZIN

Imajući u vidu da je prvorangirani ponuđač odbio potpisati ugovor, Ugovorni organ je, u skladu sa članom 72. stav 3) tačke e) i f) Zakona o javnim nabavkama, prijedlog ugovora uputio drugorangiranom ponuđaču dana 21.10.2021. godine, te ostavio rok od 7 dana za potpisivanje ugovora.

Drugorangirani ponuđač nije vratio potpisani primjerak u predviđenom roku. Ugovorni organ je u usmenoj korespondenciji dobio informaciju da je ponuđač kamion u međuvremenu prodao.

Zbog naprijed navednog, odlučeno je kao u dispozitivu ove odluke.

### **Pouka o pravnom lijeku:**

Protiv ove Odluke može se izjaviti žalba, najkasnije u roku od 10 (deset) dana od prijema ove Odluke. Žalba se izjavljuje Uredu za razmatranje žalbi, putem ugovornog organa, u pismenoj formi, u dovoljnom broju primjeraka, a koji ne može biti manji od tri. Žalilac koji je propustio izjaviti žalbu, prema odredbama člana 101. Zakona o javnim nabavkama, gubi pravo tražiti ispitivanje zakonitosti po istom osnovu, u kasnijoj fazi postupka.

Dostaviti:

- Ponuđačima x2
- spis nabavke br.5-1-1-2/21



JKP Vodovod d.o.o. - CAZIN

Ibrahim Mujakić, direktor